



Broj: 0101-3388-6/20
Sarajevo, 21.05.2020. godine

Na osnovu člana 69. stav (2), tačka (e) i 70. Stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog postupka javne nabavke robe – nabavka Električne energije na preporuku Komisije za javnu nabavku broj: 0101-3388-6/20 od 19.05.2020. godine, rektor je d o n i o:

ODLUKU **o poništenju postupka javne nabavke robe – Električna energija**

Član 1.

Prihvata se preporuka Komisije za javnu nabavku broj: 0101-3388-6/20 od 19. 05. 2020. godine i postupak javne nabavke robe – Električna energija SE PONIŠTAVA iz razloga što je cijena ponude ponuđača Elektroprivreda BiH d.d. Sarajevo znatno veća od osiguranih sredstava za predmetnu nabavku, a što je definisano članom 69. stav (2), tačka (e) Zakona o javnim nabavkama Bosne i Hercegovine („Službeni glasnik BiH“ broj: 39/14).

Član 2.

U Zapisniku o pregledu i ocjeni ponuda broj: 0101-3388-5/20 od 20.05.2020. godine, koji se nalazi u prilogu ove Odluke, Komisija za javnu nabavku je konstatovala da je ponuđač Elektroprivreda BiH d.d. Sarajevo, Vilsonovo šetalište 15, 71000 Sarajevo, u ponudi dostavio ovjerene kopije svih dokaza o kvalificiranosti, traženih računom 13.1. i 13.3. Tenderske dokumentacije, pa u skladu sa odredbama Tenderske dokumentacije oslobađa obaveze naknadnog dostavljanja originala ili ovjerenih kopija dokaza traženih Tačkom 13.1 i 13.3 Tenderske dokumentacije.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-3388-1/19 od 14.04.2020. godine, Univerzitet u Sarajevu je pokrenuo postupak javne nabavke robe – nabavka električne energije.

Za provođenje postupka predmetne javne nabavke, Odlukom broj: 0101-3388-2/20 od 14.04. 2020. godine, imenovana je Komisija za javnu nabavku u sastavu: Alvin Huseinović, predsjedavajući, Sanel Sefer, član, Ćemal Suljević, član, a za zamjenske članove su imenovani: Enes Halilović, Mirza Mehaković, Nejra Dervišević.

Obavještenje o nabavci broj: 999-1-1-31-3-35/20 objavljeno je na Portalu javnih nabavki dana 14. 04. 2020. godine i Službenom glasniku BiH br.23 od 24.04.2020.godine.

Iz izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 06.05.2020. godine,vidljivo je da su u periodu koji je ostavljen za

dostavljanje ponuda, Tendersku dokumentaciju sa portala javnih nabavki preuzeli sljedeći ponuđači: PODRUŽNICA "ELEKTRODISTRIBUCIJA" SARAJEVO, EKAPIJA D.O.O., BBS EUROPE, PETROL BH OIL COMPANY D.O.O., „DB-MREŽA“ DOBOJ.

Iz izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 06.05.2020. godine u 10:10h, vidljivo je da u periodu koji je ostavljen za dostavljanje pitanja, **nije bilo postavljenih pitanja** za pojašnjenje Tenderske dokumentacije broj 0101-3388-3/20 od 14.04.2020. godine.

Na Tendersku dokumentaciju broj 0101-3388-3/20 od 14.04.2020. godine **nije bilo žalbi** od strane potencijalnih ponuđača.

Komisija za javnu nabavku je dana 06.05.2020. godine u 10,15 sati izvršila javno otvaranje blagovremeno prispile ponude:

Broj protokola	Naziv/ime ponuditelja (šifra)	Dan i sat primitka
0101-4627/20	Elektroprivreda BiH d.d. Sarajevo, Vilsonovo šetalište 15, 71000 Sarajevo	06.05.2020. 09:40h

Na javnom otvaranju ponuda bila su prisutna dva predstavnika ponuđača Elektroprivreda BiH d.d. koji su dostavili ovlaštenje za prisustvo javnom otvaranju ponuda broj: 03-4-41-19175/20.

Od strane prisutnih na javnom otvaranju ponuda nije bilo primjedbi na postupak otvaranja ponuda ili na ostale informacije, što je konstatovano u Zapisniku o otvaranju ponuda. Zapisnik sa javnog otvaranja ponuda je isti dan (06.05.2020) godine uručen predstavnicima ponuđača Elektroprivreda BiH d.d. Sarajevo, uz potpis kao dokaz o preuzetom Zapisniku. U Zapisniku o otvaranju ponuda je konstatovano da nije bilo neblagovremenih ponuda.

Komisija za javnu nabavku je u Zapisniku o otvaranju ponuda sačinila sažetak ponude primljene u roku (kriterij za dodjelu ugovora je najniža cijena):

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	JP Elektroprivreda BiH d.d. Sarajevo, Vilsonovo šetalište 15, 71000 Sarajevo	0,00 KM	68.398,00KM bez PDV-a 0% Popust PDV=11.627,69 KM 80.025,88 KM sa PDV-om

Iz Zapisnika Komisije je vidljivo da Komisija za provođenje postupka nabavke nije imala nejasnoća u ponudi, niti je bilo grešaka u dostavljenoj ponudi.

U Zapisniku o pregledu i ocjeni ponuda Komisija je ocjenila da se na ponudu ponuđača Elektroprivreda BiH d.d. Sarajevo, Vilsonovo šetalište 15, 71000 Sarajevo, primjenjuje preferencijalni tretman domaćeg, obzirom da je ponuđač dostavio potvrdu Vanjskotrgovinske komore BiH broj: 05-05-27-1562/20 od 21.04.2020. godine kojom se potvrđuje da roba - električna energija zadovoljava uvjete za izdavanje certifikata od BH porijeklu.

Iz Zapisnika Komisije je vidljivo da se Komisija sastala odmah poslije javnog otvaranja ponuda dana 06.05.2020. godine i pristupila pregledu ponude, odnosno provjeri da li je ponuđač ispunio uslove iz člana 45 do 49. Zakona o javnim nabavkama koji su traženi Tenderskom dokumentacijom, odnosno da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za nabavku predmetne robe.

Nakon pregleda ponude, Komisija za javnu nabavku je utvrdila da ponuđač ispunjava sve uslove za kvalifikaciju tražene Tenderskom dokumentacijom.

Iz Zapisnika o pregledu i ocjeni ponuda je vidljivo da je Komisija za provođenje postupka nakon provjere računске ispravnosti dostavljene ponude, utvrdila da u ponudi ponuđača Elektroprivreda BiH d.d. Sarajevo, Vilsonovo šetalište 15, 71000 Sarajevo **nije bilo računskih grašaka**, te je

ocjenila da je ponuda ponuđača računski ispravna. U Zapisniku Komisije je navedeno da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Iz Zapisnika Komisije za nabavku je vidljivo da je za predmetnu nabavku, kao što je navedeno u Tenderskoj dokumentaciji bro: 0101-3388-3/20 od 14.04.2020. godine i Obavještenju o nabavci 999-1-1-31-3-35/20 od 14.04.2020. godine predviđeno održavanje e-aukcije kroz sistem e-nabavke. Članom 3. Stav (3) Pravilnika o uslovima i načinu korištenja e-aukcije („Službeni list BiH, broj 66/16) regulisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama. S obzirom da je u predmetu javne nabavke robe – Električna energija, zaprimljena jedna prihvatljiva ponuda ponuđača Elektroprivreda BiH d.d. Saajevo, Vilsonovo šetalište 15, 71000 Sarajevo , Komisija za javnu nabavku je konstatovala da se u skladu sa članom . stav (3) Pravilnika o uslovima i načinu korištenja e-aukcije, e-aukcija ne može zakazati.

Na osnovu navedenog, a obzirom da je ukupna cijena ponude **68.398,19 bez PDV-a** (slovima: šezdesetosamjiljadatristotinededesetosam KM 19/100) veća od procjenjene vrijednosti nabavke navedene u Tenderskoj dokumentaciji (50.000,00 KM bez PDV-a, slovima: pedesethiljada KM 0/100) , Komisija za javnu nabavku na osnovu člana 69 . stav (2) tačka (e) i člana 70. stav (1), (4) i (6) Zakona o javnim nabavkama Bosne i Hercegovine (“Službeni glasnik BiH“ broj: 39/14), dala je preporuku rektoru da donese **odluku o poništenju postupka** javne nabavke robe – električna energija, jer je cijena prihvatljive ponude znatno viša od osiguranih sredstava za predmetnu nabavku.

Iz gore navedenih razloga, primjenom člana 69 . stav (2) tačka (e) i člana 70. stav (1), (4) i (6) Zakona o javnim nabavkama Bosne i Hercegovine (“Službeni glasnik BiH“ broj: 39/14), prihvaćena je preporuka Komisije za provođenje postupka javne nabavke i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

Dostaviti:

1. Elektroprivreda BiH d.d Sarajevo, Vilsonovo šetalište 15, 71000 Sarajevo
2. Služba za finansije i računovodstvo
3. u dosje javnih nabavki
4. web stranica UNSA
5. a/a

Prilog: Zapisnik o pregledu i ocjeni

Univerzitet u Sarajevu - *Obala Kulina bana 7 - 71 000 Sarajevo - Bosna i Hercegovina*
Telefon: ++387(33)226-378; ++387(33)668-250; fax: ++387(33)226-379

<http://www.unsa.ba>